

Deiliskipulag – Hrafnagil.

Sveitarstjórn Eyjafjarðarsveitar hefur samþykkt deiliskipulag fyrir byggingarreit sunnan og vestan heimavistarhúss Hrafnagilsskóla. Skipulagið gerir ráð fyrir byggingu rað- og parhúsa á einni hæð, samtals 12 íbúðum.

Tillaga þessi, sem hefur verið auglýst og yfirfarin af Skipulagsstofnun eins og lög gera ráð fyrir, er nú auglýst til að taka þegar gildi, sbr. 3. mgr. 26. gr. skipulags- og byggingarlaga nr. 73/1997.

Eyjafjarðarsveit, 9. nóvember 2000.

F.h. Eyjafjarðarsveitar,

Bjarni Kristjánsson.

AUGLÝSING

um deiliskipulag Reynifellskróks, Rangárvallahreppi.

Samkvæmt skipulags- og byggingarlögum hefur hreppsnefnd Rangárvallahrepps þann 5. október 2000 samþykkt deiliskipulag Reynifellskróks, í landi Reynifells.

Deiliskipulagið tekur til svæðis sem kallast Reynifellskrókur og er sumarhúsasvæði í landi Reynifells.

Greinargerð og uppdráttur hafa hlotið þá meðferð sem skipulags- og byggingarlög mæla fyrir um. Deiliskipulagið öðlast þegar gildi.

Hellu, 17. nóvember 2000.

F.h. hreppsnefndar Rangárvallahrepps,

Guðmundur Ingi Gunnlaugsson sveitarstjóri.

SAMÞYKKT

um embættisafgreiðslur byggingafulltrúans á Akranesi.

1. gr.

Byggingafulltrúinn á Akranesi afgreiðir, án staðfestingar bygginganefndar, mál er falla undir skipulags- og byggingarlög nr. 73/1997 með síðari breytingum, og skilgreind eru sem verkefni bygginganefnda í lögunum.

2. gr.

Mál er falla undir 1. gr. afgreiðir byggingafulltrúi og getur hann gefið út byggingaleyfi að uppfylltum ákvæðum laganna og þeirra reglugerða, sem settar eru á grundvelli þeirra, úthlutunar- og skipulagsskilmálum og öðrum samþykktum Akraneskaupstaðar um byggingamál.

3. gr.

Framangreindar afgreiðslur byggingafulltrúa skulu lagðar fram á næsta reglulega fundi bygginganefndar og bókaðar í fundargerð og hljóta afgreiðslu bæjarstjórnar með sama hætti og samþykktir skv. IV. kafla skipulags- og byggingarlaga nr. 73/1997.

Synji byggingafulltrúi erindi skulu þó líða a.m.k. 14 dagar þar til hann leggur málið fram í bygginganefnd.

4. gr.

Um afgreiðslur byggingafulltrúa gilda, eftir því sem við á, ákvæði skipulags- og byggingarlaga nr. 73/1997, með síðari breytingum, ásamt ákvæðum í þeim reglugerðum sem settar eru á grundvelli laganna.

5. gr.

Telji einhver rétti sínum hallað með afgreiðslu byggingafulltrúa eða byggingafulltrúi synjar erindis, er honum heimilt að skjóta máli sínu til bygginganefndar innan 14 daga frá afgreiðslu byggingafulltrúa.

Enn fremur er hægt að skjóta málinu til úrskurðarnefndar, sbr. 4. mgr. 39. gr. skipulags- og byggingarlaga.

6. gr.

Ofangreind samþykkt bæjarstjórnar Akraness staðfestist hér með skv. 1. gr. laga nr. 117/1999 um breytingu á skipulags- og byggingarlögum nr. 73/1997, með síðari breytingum, til að öðlast gildi þegar við birtingu.

Umhverfisstjórnuneytinu, 13. nóvember 2000.

F. h. r.

Ingimar Sigurðsson.

Hersir Gíslason.

REGLUGERÐ

um breytingu á reglugerð fyrir Háskóla Íslands nr. 458/2000.

1. gr.

4. mgr. 4. gr. reglugerðar nr. 458/2000 fellur brott. Núverandi 5. mgr. verður 4. mgr.

2. gr.

Í stað núgildandi 10. gr. reglugerðar nr. 458/2000 komi ný 10. gr. svohljóðandi: **10. gr. Sameiginleg stjórnýsla háskólans.**

Hlutverk sameiginlegrar stjórnýslu er að skapa deildum, stofnunum og starfsfólki háskólans skilyrði til að vinna störf sín í samræmi við lög og reglur háskólans. Rektor ræður framkvæmdastjóra og aðra starfsmenn sameiginlegrar stjórnýslu. Svið hinnar sameiginlegu stjórnýslu eru: Stjórnýslusvið, rekstrar- og framkvæmdasvið, fjárreiðusvið, starfsmannasvið, kennslusvið, rannsóknasvið og þróunar- og kynningarsvið. Rektor er heimilt að skipa fleiri en einu sviði undir einn framkvæmdastjóra og skipta sviðum í deildir eftir því sem samræmist verkefnum þeirra. Rektor setur framkvæmdastjórum og deildarstjórum erindisbréf. Þá er rektor heimilt, með samþykki háskólaráðs, að fela deildarforsetum, forstöðumönnum stofnana og formönnum starfsnefnda ábyrgð á verkefnum sem falla undir hina sameiginlegu stjórnýslu. Með reglulegu millibili skal háskólaráð láta fara fram úttekt á starfsemi stjórnýslu háskólans.